

Buwire á wakita na a puwetaa YUHANNA

Ga use á Yuhanna

¹ Náwa yá puwaktá ba iya wakita na, ya slesawari am dágave á emnde a dɓaba Yaisu. Yá puwakte ge ekka mukse na a eksakkaa Dadaamiya na, antara egdzara á ɗa na wayanaterwáyá á ba an jirire na. Sey yá wayákurá ba iya palleka, antara emnde na diyardiya jirire baɗemme wayarakurwáyá.

² Wayanakurwáyá jipu, aɗaba jirire á elva á Dadaamiya ɗanna aɗkwa am miya, á njá am miya dem ba ge dekiɗeki.

³ Tara Eddemiya Dadaamiya, antara Egdzaaara Yaisu *Almasiihu, a njarinja antara miya ma emnde na wayamiyaavewáyá an wáyáva jirire, ira má aɗkwa maga jirire á Dadaamiya na. A magaraminaamaga ɗgurna, a zaramivaareze, a varamiteva ba itare hairire.

*Magaumimága wáyáva na a mbamisaa *Almasiihu*

⁴ Higantehiga jipu, aɗaba cenanáncena ganakini tá aɗkwa emnde na dɓabartedaba jirire am dagave á kure, tá aɗkwa á maga názena a baminaa Eddemiya Dadaamiya am shairiya-aha-aara na. ⁵ Daaci kina wá, yá ɗalakaɗále kwa emmaye-aaruwa dzagwale geni mi wayaavewáye ba shagera. Una ɗanna yá aɗkwa puwakta ya na keni gevka

shairiya á Dadaamiya a jaare áṅwaslire ndza cenakuránka, amá ba elva na mi cenán kwaye am fakta-aara na. ⁶ Wáyáva ṅanna wá, amaana: mi fansaare ba ge shairiya á Dadaamiya. Shairiya á Dadaamiya ṅanna keni ba una mi cenán kwaye am fakta-aara na. A ba ṅane: Wayawaavewáye antara emnde umele.

⁷ Ya bakurnaa adaba uwe? Adaba kwakya emnde a keḁa ura áte unṅule a jirire jarsaareje, hyairemhye am duniya baḁemme. Itare wawarka ḁekideki cena samsa Yaisu *Almasiihu á sem duniya, a se gev urimagwe. Ura estuwa, slekeḁa emnde áte barama a jirire, daaci ba ṅane una kelaade á Yaisu Almasiihu. ⁸ Adaba una ṅanna, faufa hyema áte ire á kure, geni keḁawanaaka námpire á slera á kure, amá kwá de lyevaalya láḁá na Dadaamiya a fakur ge kure.

⁹ Ma ware una ḁabaaka elva na a kwaramiṣaa Almasiihu, ṅane a ḁabete umele wá, Dadaamiya baaka am ṅane. Amá edda una ḁabeteḁaba elva á Almasiihu ṅanna, ṅane wá, tara Eddemiya Dadaamiya, tá antara Egdza-aara tá anṅwa antara ṅane. ¹⁰ Adaba una ṅanna, máki samsa ura á sem mba á kure, amá á kwaraterse duksa ge emnde gergere antara náza á Almasiihu wá, liyauka edda-aara á mba á kure, ba use keni gawanka. ¹¹ Adaba ma a liyanaa ware, ma a gan ba use keni, shagerkire á názena á maganá ṅane na, ta buwa am huḁe-aara antara edda-aara.

Halavuwa á elva-aha

¹² Anṅwa elva-aha-aaruwa ba kwakya yá kátá bakuránba, amá keni wayanka yá puwakurte

una-aha ɲanna áte nalmesheri. Arge una ɲanna wá, shagera yá duwa ba iya an ire-aaruwa á dem mba á kure, mí de ndáhá elva-aha ɲanna we-aaruwa una, we á kure keni una, lauktu mí de higetehiga ba kwakya.

¹³ Egdzara á egdza emmeɲa mukse na a ek-sesaa Dadaamiya na, tá anƙwa gakur use-aatare itare keni.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

dec75dd5-4784-5059-aa00-668d508a6b0d